

mehr in die höhe zufahren mit seinen Füß-
sen/ wenn er widerumb nider sich gelassen
warde/ also gefiel dem Vatter vnnd dem
Kind ein weil jr spiel wol/ es geschach aber/
daß sich das Kind in der höhe zu weit auß-
hin schwencfte/ also daß er seinem Vatter
ybergieng/ vnd drehet sich in seinen Hän-
den vmb/ vnnd fiel rücklingen hinder dem
Vatter darnider/ denn ihn sein Vatter
nicht behalten mochte. Es vergieng aber
diese schlechte kurtzweil allen Leuten/ so die-
sen trawrigen fall vernahmen/ gar bald.

Es werden
die gewar-
net/ so zu-
viel mit den
Kinderen
auff der
schof dan-
gen.

Etliche nehmen die Kinder auff den
Schoß/ vnd dänghen also mit ihnen/ denn
strecken sie die Beinlein herfür/ vnd stoßen
je lenger je mehr darauff. Haben aber
nicht achtung/ das ihre Gebeinlein vnnd
das Geäder daran so schwach ist/ welches
bald Schaden empfangen kan. Legens
denn darauff nider/ vnd wenn sie es mor-
gends widerumb auffheben/ vnd das Kind
weynet/ vnd nicht mehr das hoblen/ vmb-
hertragen/ vnd auffheben erleiden kan/ da
sprechen sie/ ich weiß nicht wie meinem
Kind beschehen ist/ denn ich hab es gestern
frisch vnnd gesund nidergelegt/ ist so gu-
ter dingen gewesen vnnd so wol springen
mögen/ jehunder aber schreyet es wo ich es
nur anrühren wil/ vnnd geben wol so bald
den Unholden die schuld/ da sie doch selbst
die